

۲۲ اگستوس سنه ۱۳۳۱

جمعه ایرتسی

۲۴ شوال سنه ۱۳۳۳

DJÉRID I SOUFIÉ

Fonde en 1090

Organe Turc Fanislamique

Directeur Propriétaire.

HASAN KIAZIM

No. 113, le 9 (4 septembre 1915

Adresse. Avenue de la (S. Porte

Rue Eb us sonoud

جريدة صوفية

شمديلك اون بش كونده برنشر اولنور

صاحب امتياز و مدير مسئول حسن كاظم
تاريخ تاسيسي ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر من آچيقدر درج ايدليان اوراق اعاده ايدلر

استانبولده باب عالي جوارنده ابوالسعود جاده سنده
نجم استقبال مطبعه سنده اداره خانه من اصحاب
مراجعه هر ساعت آچيقدر

سنه لك اعتباريله ممالك شاهانه ايجون پشين
اوله رق ۴۰ التي ايلغي ۲۵ غروش و ممالك
اجنبیه ايجون ۱۲ فرانقدر .
تلفون نومروسي : ۱۰۹۷

نسخه سي ۵۰ پاره در

تصوفی ، دینی ، اخلاقی ادبی ، سیاسی جریده اسلامیه در

نومرو ۱۱۳

۱۱۳

(وقد وقع) قولندہ کی و او ، حالیہ در جملہ فعلیہ ، (تمو) فعلنک فاعلندن حالدر .

یعنی ان التفریق بینہما واقع فی حال نموہا و زیادتہا (والکل واحد) یعنی او ، لذاتہ حی بر وجود در کہ معدومتہ الاعیان اولان معلومات ممکنہی ازلاً علمی ایلہ کشف و اوصورتہ قدیم و ازلی کلام نفسانیسی ایلہ تکلم ایتدی دہ او وجود واحد ، بالظہور ، تجلی و انکشاف ایدوب ذاتی ذاتی ایلہ شہود ایلدی . شو حالہ او معلومات ممکنہ ، حال سابق اوزرہ ینہ معدومتہ الاعیان و غیر موجوددر .

(فارواخنا) قولندہ کی فاء ، تفریع و تفصیل ایچونددر . یعنی بزم روح جامع اعظم محمدی واسطہ سیلہ امرا الہیدن نفخ ایدلش اولان ارواح امریہ مز (خمر) یعنی مذکور اولان مداہدر . چونکہ ارواح اجمال روح محمدی بی تفصیلدر . (اشباخنا) اشباح شخص معناسہ اولان شمع ک جمیعدر . مراد کائناتک عالم امکان و عالم ایجادندہ کی صوریدر .

(کرم) بمنزلۃ الکرم دیمکدر . بوندن مراد دخی عصر روحانی بی متضمن اولان عنبرکہ خراولورده عقولی ، و علوم حقائق عرفانیہ دن القا اولنان شی ایلہ سرخوش ایدر .

مدرس

کمال الدین خربوطی

شئونات

اعتماد نامہ تقدیمی مراسمی

حضور شوکت موفور حضرت پادشاہیدہ آلمانیا سفیری و کیلی طرفندن ایراد اولناد نطقک ترجمہ سیدر :

شوکت مآب

متبوع مفخم حشمتلو ایمپراطور و قرال حضرتلری طرفندن فوق العادہ مرخص بیوک ایلیچی بارون «وانکنہایم» ک مدت غیوبتندہ مأموریت فوق العادہ ایلہ نزد شوکت وفد جناب ملوکانہ لرینہ سفیر کبیر تعین بیورلدیغمی مشعر نامہ بی تقدیم ایلرم . متبوع مفخم ذات شوکتسہات حضرت پادشاہیلری حقندہ کی حسیات فائقہ احترامکارانہ و دوستانہ سنک نزد شاہانہ لرندہ ترجمانی اولمقلقمہ و علی الخصوص سوکیلی متفقنک دوچار اولدینی خستہ لقدن لطف حقہ تمامیلہ اعادہ عافیت بیورمہ لرندن متحصل مسرت حقیقیہ و محظوظیت عمیقہ سنی ذات شوکتسہات حضرت پادشاہیلرینہ عرض و ابلاغہ ثناوریلرینی مأمور ایلشددر . اتحاد و اتفاقلری حرب میدانلرندہ کسب تقویت

ایتمش اولان آلمانیا ایلہ ترکیا بینندہ موجود مناسبات حسنہ نک تأیید و تشییدینہ صرف مزید غیرت ایلہ جکم . حکومت عثمانیہ بی محو ایتمک و آلمانیا و آوستریا - مجارستان حکومتلرینی ازملک مقصد خانانہ سنی تعقیب ایتمش اولان دشمنلرمز اوج دولت اردولرینک بی نظیر اولان قهرمانلقلری قارشوسندہ امیدلرینک محو اولدیفنی نورمکدہ درلر . جناب حق مساعی مشترکہ مزی نجیب عثمانی آلمان و آوستریا مجارستان ملتلرینک سعادت حال و رفاهیتلرینی تأمین ایدہ جک اولان بر موفقیت کاملہ و قطعیه و دعوائی محقمز ایچون بونجہ جسارت و محرومیت ایلہ کوستردکلری فداکارلقلر ایلہ متناسب صورتدہ مکافاتہ مظهر بیورسون . عہدہ ثناورانہ ترتب ایدن اشبو وظیفہ مهمہ و نظیفہ نک حسن ایفاسی خصوصندہ طرف اشرف حضرت پادشاہیلرندن اظہار وثوق و اعتماد بیورلمق و حکومت سنیہلری طرفندن ابراز مظاهرت ایدلمک صورتیلہ مظهر تسہیلات اولہ جفمی امید ایلرم .

طرف اشرف حضرت پادشاہیدن آلمانیا سفیری و کیلنہ خطاباً ایراد بیوریلان نطق ہایون ترجمہ سیدر .

متبوع مفخمکمز حشمتلو ایمپراطور و قرال حضرتلرینک فوق العادہ مرخصی بیوک ایلیچیسی بولنان بارون (وانکنہایم) ک مدت غیوبتندہ مأموریت فوق العادہ ایلہ سزری نزدمدہ سفیر کبیر تعین ایتدیکنی مشعر اولان نامہ بی یدکزدن کمال ممنونیتلہ اخذ ایدیورم . شانلی متفقم حشمتلو ایمپراطور حضرتلرینک وساطت اصیلانہ لریلہ حقندہ اظہار بیورمش اولدیمی حسیات دوستانہ دن پک محظوظ اولدیغم کی اعادہ عافیت ایلدیکمندن طولای یکیدن اظہار ایتمش اولدینی ممنونیتندہ فوق العادہ متحسس اولدم . اک صمیمی حسیاتمک تشکرات فائقہ ملہ برابر مشار الیہ حضرتلرینہ ابلاغی ذات اصیلانہ لرندن رجا ایدرم . جناب حقک متفق شجیع اردولریمزی دشمنلریمزہ قارشوقریباً مظفریات قطعیه مظهر و دعوائی محقمز مقرون موفقیت بیورم جفغہ امینم متفق ایکی دولت بینندہ موجود مناسبات حسنہ نک ادامہ و محافظہ سی امرندہ طرف اصیلانہ لرندن صرف ایدیلہ جک مساعی و اقداماتی صوک درجہ تقدیر ایدرم . مأموریت مهمہ کزک تمامی ایفاسی خصوصندہ طرفندن وثوق و اعتماد کاملہ و حکومتم نزدندہ دخی اک صمیمی معاونتہ مظهر اولہ جفمکمزہ امین اولہ بیلورسکمز . ملی